

佛日普照慧辯楚石禪師語錄卷第八 竝二

侍 者 明 遠 編

舉古

舉王大王向雪峰會裏請晏監寺住鼓山雪
峰與孚上座送出門回至法堂上乃曰一隻

聖箭

聖箭直射入九重城裏去也孚云和尚是伊

未在峰曰渠是徹底人孚云若不信待某甲

去勘過遂往路中把住云師兄向甚麼處去

鼓山云九重城裏去孚云忽遇三軍圍閉時

如何山云他家自有通霄路孚云恁麼則離

宮失殿去也山云何處不稱尊孚便回謂雪

峰云好一隻聖箭折却也遂舉前話峰云渠

有語在孚云這老凍瞞畢竟有鄉情在妙喜

云衆中商量道什麼處是聖箭折處云鼓山

不合答他話是聖箭折處鼓山不合說道理

是聖箭折處恁麼批判非惟不識鼓山亦乃
不識孚老殊不知孚上座正是一枚賊漢於
鼓山面前納一場敗闕懼懼而歸却來雪峰
處拔本大似屋裏販楊州若非雪峰有大人
相這賊向甚處容身當時可惜放過却成箇
不了底公案只今莫有爲古人出氣底麼試
出來我要問你甚麼處是聖箭折處師云鼓

山聖箭子射入九重城甚生氣槩孚上座等

閒拶着略露鋒鏑回至法堂却云箭折誣人
之罪以罪加之妙喜老人謂孚上座是一枚

賊漢向鼓山面前納敗闕而歸騎賊馬殺賊

大凡事不孤起當時雪峰只因賣弄這一隻
聖箭子勾賊破家若也咬定牙關誰敢無風

起浪便是盡大地稻麻竹葦化作衲僧要勘
鼓山也無啓口處天寧不是貶剥古人聖箭

子是什麼廁草莖拋向垃圾堆頭着更問他
折處且莫屎沸好

舉明招向火次僧忽問目前無法意在目前
不是目前法非耳目之所到未審此四句那
句是賓那句是主明招撥開火云你向這裏

與我拈出一莖眉毛看僧云非但某甲盡大

地人喪身失命招云何故自把髻投衙妙喜
云這僧有頭無尾明招有尾無頭若人道得
頭尾圓全句雲門與你拄杖子師云不解拈
出火裏眉毛未知四句中那一句是賓那一

句是主妙喜道這僧有頭無尾明招有尾無
頭眞饒妙喜道得頭尾圓全句天寧拄杖子
未放伊在

舉南泉坐次一僧問訊叉手而立泉云太俗
生僧合掌泉云太僧生僧無語妙喜云合掌

太僧生义手又俗氣總不恁麼時尊體無類
處有巴鼻唵蘇嚕蘇魯悉唎悉剎喝一喝云
是甚麼近來王令稍嚴不許攬行奪市師云
义手太俗合掌太僧不僧不俗誰敢安名檢
點將來也是塚生招箭具道落在這僧分上

落在南泉分上

舉麻谷持錫到章敬遶禪牀三匝振錫一下
卓然而立妙喜云純鋼打就生鐵鑄成敬云
是是妙喜云錦上鋪花三五重谷又持錫到
南泉遶禪牀三匝振錫一下卓然而立妙喜

云已納敗闕了也泉云是不是妙喜云枷
上更着杻谷云章敬道是和尚爲什麼道不
是妙喜云愁人莫向愁人說泉云章敬則是
是汝不是此是風力所轉終成敗壞妙喜云
試把火照看南泉面皮厚多少復召大眾云

雲門恁麼批判且道肯他不肯他師云麻谷
遶牀振錫參禮常儀爲什麼章敬道是南泉
道不是苦瓠連根苦甜瓜徹蒂甜

舉讓和尚遣僧問馬祖云作麼生祖云自從
胡亂後三十年不曾少鹽醬妙喜云雲門郎

不然夜夢不祥書門大吉師云且道妙喜與
馬祖是同是別如何黑漆屏風上更寫盧仝
月蝕詩

舉僧問雲峰如何是心地法門峰云不從人
得僧云不從人得時如何峰云此去衡陽不

遠妙喜云雲門郎不然如何是心地法門不
從人得不從人得時如何看脚下師云或問
天寧如何是心地法門不從人得不從人得
時如何早晨有粥齋時有飯

舉僧問巖頭三界競起時如何頭云坐却着

僧云未審師意如何頭云移取廬山來郎向
汝道妙喜云巖頭古佛向萬仞崖頭垂手鑊
湯爐炭裏橫身蓋爲慈悲之故有落草之談
今日若有人問雲門三界競起時如何只向
他道快便難逢未審師意如何移取雲門山

來郎向汝道師云三界競起巖頭道坐却着
見怪不怪其怪自壞妙喜道快便難逢順水流
舟更加橹棹天寧道在什麼處長安甚鬧
我國晏然未審師意如何待我上山斫棒來
却向汝道三段一不同收歸上科

三

四

舉僧問五祖如何是佛祖云露胷跣足如何
是法云大赦不放如何是僧云釣魚船上謝
三郎妙喜云此三轉語一轉具三玄三要四
料據四賓主洞山五位雲門三句百千法門
無量妙義若人揀得許你具一隻眼師云三

玄三要四料揀四賓主洞山五位雲門三句
百千法門無量妙義大似頭上安頭天寧今
日爲你諸人抽却釘拔却楔做箇洒洒落落
地丈夫兒豈不好何故與他殘羹餽飯隨他

腳後跟轉被他喚作無地頭漢慚惶殺人

舉僧問雲門如何是道門云透出一字妙喜
云透出一字却不相似急轉頭來張三李四
師云天寧作麼生拈拄杖擊禪牀云洎合停
因長智

舉教中道生滅滅已寂滅現前妙喜云真生
無可生真滅無可滅寂滅忽見前蝦蟆吞却
月師云寂滅不現前心心生與滅龜毛扇子
扇泥牛一點血

舉僧問趙州百骸俱潰散一物鎮長靈時如
何州云今朝又風起妙喜云今朝又風起閻

處莫插嘴觸着閻羅王帶累陰司鬼師云天
寧下箇注脚也要醉後添杯今朝又風起不
必更疑猜就地撮將黃葉去入山推出白雲
來

舉法眼問覺鐵觜近離甚處覺云趙州眼云
承聞趙州有柏樹子話是否覺云無眼云往
來皆謂僧問如何是祖師西來意州云庭前
柏樹子上座何得道無覺云先師實無此語
和尚莫誇先師好妙喜云若道有此語蹉過
覺鐵觜若道無此語又蹉過法眼若道兩邊
都不涉又蹉過趙州直饒總不恁麼別有透
脫一路入地獄如箭射畢竟如何舉起拂子
云還見古人麼喝一喝師云祖師西來意庭
前柏樹子此話已徧行天下了也因甚麼覺
鐵觜却道先師無此語衆中往往商量趙州

只是一期方便不可作實解所以道無與麼
亂統謗他古佛不少妙喜云若道有此語蹉
過覺鐵觜若道無此語又蹉過法眼若道兩
邊俱不涉又蹉過趙州今日煙波無可釣不
須新月更爲釣

舉青原思和尚問六祖當何所務卽不落階
級祖云汝曾作什麼來思云聖諦亦不爲祖
云落何階級思云聖諦尚不爲何階級之有
祖深器之妙喜云莫將閑話爲閑話徃徃事
從閑話生師云弄泥團漢有什麼限

舉龐居士問靈照女明明百草頭明明祖師
意作麼生會照云這老漢頭白齒黃作這箇
見解居士云你作麼生照云明明百草頭明
明祖師意妙喜云龐居士先行不到靈照女
末後太過直饒齊行齊到若到雲門一坑埋

却且道過在什麼處明明百草頭明明祖師
意師云明明百草頭明明祖師意龐公只解
拋磚靈照何曾瞽地從教千古萬古黑漫漫
填溝塞壑沒人會

舉雲門云百草頭上道將一句來衆無語自

代云俱圓悟老人云劄妙喜云普復云俱劄
普日輪午李將軍射石虎雖然透過那邊枉
發千鈞之弩師云雲門俱少實多虛圓悟劄
了無交涉妙喜普直須薦取這三箇漢各立
生涯搖頭擺尾到處逢他深山藏獨虎淺草

露羣蛇

舉僧問趙州四山相逼時如何州云無路是
趙州妙喜云無路是趙州老將足機籌關南
并塞北當下一時牧師云四山相逼時無路
趙州老黃葉落紛紛一任秋風掃

舉裴相國入寺見壁間畫像問院主云壁間是甚麼主云高僧裴云形儀可觀高僧在甚麼處主無語裴云這裡莫有禪僧麼時黃檗在衆主云有一希運上座頗似禪僧裴遂召

黃檗舉前語似之檗云但請問來裴云儀形

七

七

可觀高僧在甚麼處檗召相公公應諾檗云

在甚麼處裴於言下領旨妙喜云裴公將錯就錯脫盡根塵黃檗信口垂慈不費心力似地檠山不知山之孤峻如石舍王不知王之無般雖然如是黃檗只有殺人刀且無活人劍今日大資相公或問雲門形儀可觀高僧在甚麼處雲門亦召云相公相公若應諾雲門郎向道今日堂中特謝供養師云裴相國道高僧在甚麼處分明換却眼睛黃檗更召相公剛把鉢盂安柄老妙喜與人錯下注脚

便道似地檠山不知山之孤峻如石舍王不知王之無般蹉過了也天寧郎不然亦召相公相公應諾劈脊便棒免教這漢向死水裏淹殺

舉僧問趙州如何是祖師西來意州云庭前

柏樹子僧云和尚莫將境示人州云我不將境示人僧云如何是祖師西來意州云庭前柏樹子妙喜云庭前柏樹子今日重新舉打破趙州關特地尋言語既是打破關爲什麼却尋言語當初將謂茅長短燒了元來地不平師云庭前柏樹子天下杜禪和只管尋枝葉還曾夢見麼四海幸然清似鏡莫來平地起風波

舉裴相國捧一尊像胡跪於黃檗前云請師安名檗云裴休裴應諾檗云與汝安名竟裴

作禮云謝師安名妙喜云裴公黃檗可謂如水入水似金博金雖然如是檢點將來不無滲漏今日蔡中郎或捧一尊像請雲門安名

郎向道清淨法身毗盧遮那佛若云謝師安名郎向道下坡不走快便難逢師云裴公捧

像黃檗安名冷地看來如大家教新婦相似

直是好笑笑須三十年妙喜既不能坐斷未免隨例顛倒喚作清淨法身毗盧遮那佛周人以柏殷人以栗

舉外道問佛不問有言不問無言世尊良久

是世尊欲識邪正兩分麼世尊自世尊外道自外道此是天寧見處一任諸方貶剝舉僧問趙州如何是趙州州云東門南門西門北門僧云不問這箇州云你問趙州聾妙喜云這僧問趙州趙州答趙州得人一馬還人一牛人平不語水平不流會麼受恩深處宜先退得意濃時便好休師云儘這僧神通跳趙州闕不過大丈夫漢當衆決擇未到弓折箭盡郎便拱手歸降何不着一轉語教他納歎去且道着得箇什麼語

山二

九

外道讚歎云世尊大慈大悲開我迷雲令我得入外道去後阿難問佛外道有何所證而言得入世尊云如世良馬見鞭影而行雪竇云邪正不分過由鞭影妙喜云邪正兩分正由鞭影師云欲識邪正不分麼誰是外道誰

汁吞熱鐵圓或問還救得也無云救不得爲
什麼救不得是這老漢家常茶飯師云若欲
報德酬恩須是長沙妙喜忤逆兒孫始得雖
然珊瑚枕上兩行淚半是恩君半恨君

舉百丈凡參次有一老人常隨衆聽法衆人

退老人亦退忽一日不退丈遂問面前立者
復是何人老人云某甲非人也於過去迦葉
佛時曾住此山因學人問大修行底人還落
因果也無對云不落因果五百生墮野狐身
今請和尚代一轉語貴脫野狐身老人遂問
大修行底人還落因果也無丈云不昧因果
老人於言下大悟便脫野狐身妙喜云不落
與不昧半明兼半晦不昧與不落兩頭空索
索五百生前箇野狐而今冷地謾追呼喝一
喝云座中既有江南客休向樽前唱鷓鴣師

云這箇公案批判者多盡向不落不昧上妄
生卜度未有一箇格外提持帶累百丈老人
也在野狐隊裏天寧不是釘椿搖櫓縣柱調
紅海枯終見底人死脚皮穿

舉道吾與漸源至一家弔慰源拊棺云生耶
死耶吾云生也不道死也不道源云爲什麼
不道吾云不道不道回至中路源云和尚快
與某甲道若不道打和尚去吾云打郎任打
道郎不道妙喜云生也不道死也不道公案
兩重一狀領到露刃吹毛截斷鋼要脫却鶻

臭衫拈却炙脂帽大坐當軒氣皓皓喝一喝

三
師云生耶死耶動念郎垂不道不道何處尋
討拽脫鼻孔打破髑髏腰纏十萬貫騎鶴上
揚州有意氣時添意氣不風流處也風流
舉僧問睦州一言道盡時如何州云老僧在

你鉢囊裏又問雲門一言道盡時如何門云
裂破妙喜云或有入問山僧一言道盡時如
何這漆桶師云有人來問天寧一言道盡時
如何隔

舉僧問雲門達磨九年面壁意旨如何門云

念七妙喜云念七念七全無消息背看分明
正觀難識既是正觀爲什麼難識可知禮也
師云達磨面壁雲門念七更問如何喫啞囁
哩

舉龐居士問馬大師不昧本來身請師高着
眼大師直下覲士云一種沒絃琴惟師彈得

妙大師直上觀居士禮拜大師歸方丈居士
隨後至方丈云達來弄巧成拙妙喜云且道
是馬大師弄巧成拙龐居士弄巧成拙還有
緇素得出者麼若緇素不出癩馬繫枯椿直

餽緇素得出也是蝦蟆口裏一粒椒師云馬
大師彈得沒絃琴調高千古龐居士和得無
譜曲響徹九霄溪邊石女暗嗟吁海底泥牛
亂奔走雖然如是也未契本來身在不見道
蝦蟆口裏一粒椒

舉龐居士云心如境亦如無實亦無虛有亦
不空無亦不拘不是聖賢了事凡夫妙喜云
白的的清寥寥水不能濡火不能燒是箇什
麼切不得問着問着則瞎却你眼以拄杖擊
香臺一下師云要作了事凡夫更須進前三

步

舉古德云佛法也大有只是舌頭短妙喜云
向道莫行山下路果聞猿啼斷腸聲師云古
德元不知有佛法一箇箇舌頭徧覆十方世
界特地說無說有說短說長好劈口便掌且

道天寧意在什麼處河裏失錢河裏撈

舉洛浦示衆云孫臏收鋪去也有卜者出來時有僧出曰請和尚一卜浦云汝家爺死僧無語法眼代拊掌三下妙喜云這僧沒興死却爺又被他人拊掌信知禍不單行福無雙

至然洛浦善卜法眼善斷若子細思量爻象吉凶二老一時漏逗既占得火風鼎卦何故斷作地火明夷雲門郎不然驀拈拄杖云孫臏門下死却郎罷連卓三下云會麼內屬艮宮再求外象又卓三下云千靈萬聖萬聖千靈莫順人情復卓一下云吉凶上卦師云洛浦道汝家爺死拄却舌頭妙喜牙上生牙角上生角妄談休答強說是非一時抖亂六十四卦了也

舉巖頭參德山纔跨門便問是凡是聖山便

抽三

十一

一五二六一二

喝頭便禮拜後有僧舉似洞山山云若不是痴公也大難承當巖頭聞云洞山老漢不識好惡錯下名言我當時一手擡一手搦妙喜

云猛虎不識穿穿中身死蛟龍不怖劍劍下身亡巖頭雖於虎穿中有透脫一路向劍刃上有出身之機若子細檢點將來猶欠悟在

只今還有爲巖頭作主底麼出來與果上座相見良久喝一喝拍一拍云洎合停囚長智師云德山咬猪狗手脚巖頭鎚了底精金募劄相逢更無回互將他八兩換得半斤洞山雖是作家也只傍觀有分妙喜費許多氣力作什麼拈拄杖畫一畫云一

舉本仁示衆云尋常不欲向聲前句後鼓弄人家男女何故且聲不是聲色不是色時有僧問如何是聲不是聲仁云喚作色得麼僧

云如何是色不是色仁云喚作聲得麼僧禮拜仁云且道爲你說答你話若人辨得許你有箇入處妙喜云本仁將一穿雲居子換却天下人眼睛却被這僧將一條斷貫索不動干戈穿却鼻孔後來舜老夫拈云本仁既已入草這僧又落深村然則陽春雪曲時人難和村歌社舞到處與人合得着妙喜云舜老夫是則也是未免隨搜桌上座不惜眉毛爲諸人說破聲不是聲色不是色馬後驢前神出鬼沒雪曲陽春和不齊村歌社舞且漏漏以拂子擊禪牀云這箇決定不是聲復舉起云這箇決定不是色且畢竟是箇甚麼喝一喝云此時若不究根源直待當來問彌勒師云本仁也只道得箇聲不是聲色不是色別有甚麼奇特白雪陽春雖唱得爭奈時人

和不得誦訛在甚麼處聲不是聲色不是色舉雪峰問僧近離甚處僧云覆船峰云生死海未渡爲什麼覆却船僧無語歸舉似覆船船云何不道渠無生死僧再至雪峰峰再舉前話問僧僧云渠無生死峰云此不是汝語僧云是覆船恁麼道峰云我有二十棒寄與覆船二十棒老僧自喫要且不干閻黎事妙喜云作家宗師天然猶在雖然如是也是作弊人心虛是則不干這僧事二十棒何須自弊但更添二十棒只打覆船便了且道渠過在甚麼處老大大不合與人代語師云覆船道渠無生死還契得雪峰意麼若契得雪峰意爲什麼道我有二十棒寄打覆船二十棒老僧自喫會麼這裏若會便見妙喜道作賊人心虛勘破雪峰了也是則不干這僧事

二十棒何須自喫但更添二十棒只打覆船
便了你道妙喜還有過也無頭上着枷脚下
着杻

舉僧問鏡清新年頭還有佛法也無清云有
僧云如何是新年頭佛法清云元正啓祚萬

抽二

十四

物咸新僧云謝師答話清云山僧今日失利

又僧問明教新年頭還有佛法也無教云無

僧云年年是好年日日是好日爲什麼却無

教云張公喫酒李公醉僧云老老大龍頭

蛇尾教云山僧今日失利妙喜云二尊宿一

人向高高峰頂立不露頂一人向深深海底

行不濕脚是則也是未免有些譖訛今夜或

有人問果上座新年頭還有佛法也無只向
他道今日一隊奴僕在茶堂裏村歌社舞弄
些神鬼直得點脣尊者惡發把鉢孟峰一擲

擲過恒河沙世界之外驚得懼陳如怕怖憚
惶倒騎露柱跳入擔板禪和鼻孔裏撞倒舒
州天柱峰安樂山神忍俊不禁出來攔脣搘
住云尊者你既稱阿羅漢出三界二十五有
塵勞超分段生死因甚麼有許多無明被這

一問不勝懼懼却回佛殿裏第三位打坐依
舊點脣點肋道天上天下惟我獨尊自云住
住果上座他問新年頭佛法爲什麼一向虛
空裏打筋斗說脫空謾人良久云果上座今
日失利師云有佛法無佛法盡被鏡清明教

抽三

十五

二大老當頭坐斷不許後人搏量妙喜以虛
空口掉廣長舌將三千大千世界遍現未來
佛及衆生真如凡聖陰陽寒暑乘除加減東
作一句卷舒無礙收放自由管什麼新年頭
舊年尾佛法道有也得道無也得誰敢正眼

覩着若到天寧門下更須勘過少年曾決龍蛇陣潦倒還聽稚子歌

舉僧問睦州經頭以字不成八不是未審是什麼字州彈指一下云會麼僧云不會州云

上來講讚無限勝因蝦蟆跨跳上天蚯蚓慕

過東海妙喜云這僧只問經頭一字睦州盡

將善知衆藝差別字輪以龍龕手鑑唐韻玉篇從頭注解撒在這僧懷裏這僧也不妨奇

特直下便肯承當且道什麼處是他承當處聽取箇註脚以字不成八字不是彈指未終

普天匝地擊開四十二般若波羅密門參透

華嚴會中善知衆藝教內教外一時收世出世間皆周備無邊罪咎如火消冰無量勝義如恒沙聚更有箇末後句堅牢庫藏永收藏總屬山前熊伯莊師云經頭一字是什麼字

睦州彈指一下將黃面老人四十九年說不盡底一時吐露了也妙喜矢上加尖道更有末後一句諸人還委悉麼良久山斷疑休去峰高又起來

舉龍牙頌云一切名山到因脚辛苦年深與

襪着而今年老不能行手裏把箇破木杓白

雲端和尚云龍牙老人可謂熟處難忘妙喜云端和尚恁麼道大似以巴方人呆上座郎不然家貧難辦素食事忙不及草書師云這一箇那一箇和本三人一時放過是非終日

補二

十六

有不聽自然無

舉三聖道我逢人郎出出則不爲人興化道我逢人郎不出出則便爲人真淨和尚云這兩箇老古錐竊得臨濟些子活計各自分疆界氣衝宇宙使明眼人只得好笑妙喜云

真淨老人大似欺誣亡沒果上座卽不然豁開三要三玄路坐斷須彌第一峰且道在三聖分上耶在興化分上耶具眼者辨取師云三聖興化明眼宗師因什麼活計本同生涯迥異但有路可上更高人也行

舉百丈再參馬祖侍立次祖豎起拂子丈云卽此用離此用粗挂拂子於舊處良久云你他後開兩片皮將何爲人文取拂子豎起祖云卽此用離此用丈亦挂拂子於舊處祖便喝後黃檗到百丈一日辭欲禮拜馬祖去丈云馬祖已遷化也檗云未審馬祖有何言句丈遂舉再參因緣云我當時被馬祖一喝直得三日耳聾黃檗聞舉不覺吐舌百丈云子已後莫承嗣馬祖否檗云不然今日因師舉得見馬祖大機之用且不識馬祖若嗣馬祖

補二

十七

已後喪我兒孫妙喜云百丈被喝直得三日耳聾黃檗聞舉不覺吐舌百丈疑其承嗣馬祖後因臨濟三度問佛法大意三度打六十棒便與三日耳聾出氣臨濟始覺如萬枝拂相似敢問大眾既是師承有據因什麼用處不同會麼曹溪波浪如相似無限平人被陸沈師云百丈豎拂馬祖一喝黃檗聞舉不覺吐舌臨濟宗興正法眼滅父子不傳神仙秘訣奈何後代兒孫盡喚烏龜作籠乃喝一喝舉昔有一婆子施財請趙州和尚轉大藏經

趙州下禪牀逸一匝云轉藏已畢人回舉似婆子婆云比來請轉一藏如何和尚只轉半藏妙喜云衆中商量道如何是那半藏或云再達一匝或彈指一下或咳嗽一聲或喝一喝或拍一拍恁麼見解只是不識羞若是那

半藏莫道趙州更遠一匝直遠一百千萬億匝
於婆子分上只得半藏設使更遠須彌山百
千萬億匝於婆子分上亦只得半藏假饒天
下老和尚亦如是遶百千萬億匝於婆子分
上也只得半藏設使山河大地森羅萬象若
草若木各具廣長舌相異口同音從今日轉
到盡未來際於婆子分上亦只得半藏諸人
要識婆子麼良久云鴛鴦繡出從君看不把
金鍼度與人師云這婆子謂趙州只轉半藏
弄假像真當時只消道何不向未遶禪牀時
會取

舉世尊將諸聖衆往第六天說大集經勅他
方此土人間天上一切獐惡鬼神悉皆集會
受佛付囑擁護正法脫有不赴者四天門王
飛熱鐵輪追之令集既集會已無有不順佛

勅者各發弘誓擁護正法唯有一魔王謂世
尊云瞿曇我待一切衆生成佛盡衆生界空
無有衆生名字我乃發菩提心薦福懷云臨
危不變真大丈夫諸仁者作麼生着得一轉
語與黃面老子出氣尋常神通妙用智慧辯
才到此總用不着盡閻浮大地人無不愛佛
到者裏何者是佛何者是魔還有辨得出麼
良久云欲得識魔麼開眼見明欲得識佛麼
合眼見暗魔之與佛以拄杖一時穿却鼻孔
妙喜云天衣老漢恁麼批判直是奇特雖然
如是未免詰作兩橛若向何者是佛何者是
魔處便休去不妨令人疑着却云欲識魔麼
開眼見明欲識佛麼合眼見暗郎當不少又
云魔之與佛以拄杖一時穿却鼻孔雪上加
霜妙喜却與釋迦老子代一轉語待這魔王

道衆生界空無有衆生名字我乃發菩提心

只向伊道幾乎錯喚你作魔王此語有兩負

門若人檢點得出許伊具衲僧眼師云澤廣

藏山狸能伏豹二大老何用多言只消對魔

王道魔王魔王你認那箇作菩提心還識得

世二

十九

也未設使一切衆生成佛盡衆生界空無有

衆生名字你要發心也未許你在管取拱手

歸降

舉障蔽魔王領諸眷屬一千年隨金剛齊菩

薩覓起處不得忽因一日得見乃問云汝當

依何住我一千年覓汝起處不得菩薩云我不

依有住而住不依無住而住如是而住妙

喜云既覓起處不得一千年隨從底是什麼

金剛齊云我不依有住而住不依無住而住

如是而住互相熟謾法眼道障蔽魔王不見

金剛齊則且置只如金剛齊還見障蔽魔王

麼恁麼批判也是看孔着楔郎今莫有知妙

喜起處底麼喝云寐語作麼師云金剛齊道

我不依有住而住不依無住而住如是而住

一時被障蔽魔王捉敗了也雖然也須扶起

金剛齊始得

舉二十四祖師子尊者因罽賓國王秉劍於

前云師得蘊空否祖云已得蘊空王云既得

蘊空離生死否祖云已離生死王云既離生

死就師乞頭得否祖云身非我有豈況於頭

王便斬之白乳湧高數尺王臂自墮妙喜云

孟八郎漢又與麼去師云似則也似是則未

是

舉二十五祖波舍斯多因與外道論義外道

云請師默論不假言說祖云不假言說孰知

勝負外道云但取其義祖云汝以何爲義外道云無心爲義祖云汝旣無心安得義乎外道云我說無心當名非義祖云汝說無心當名非義我說非心當義非名外道云當義非名誰能辨義祖云汝名非義此名何名外道云爲辨非義是名無名祖云名旣非名我亦非義辨者是誰當辨何物如是徃反五十九番外道杜口信伏妙喜云婆舍斯多何用忉怛當時若見他道請師默論不假言說便云義墮了也郎今莫有與妙喜默論者麼或有箇衲僧出來道義墮了也我也知你向鬼窟裡作活計師云我若作二十五祖纔見外道入門便連棒打出豈不丈夫更待他道請師默論至於徃反五十九番遠之遠矣

舉六祖能大師因僧問黃梅意旨什麼人得

祖云會佛法人得僧云和尚還得否祖云我不得僧云和尚爲什麼不得祖云我不會佛法妙喜云還見祖師麼若也不見徑山與你指出芭蕉芭蕉有葉無子忽然一陣狂風起恰似東京大相國寺裏三十六院東廊下壁角頭王和尚破袈裟畢竟如何歸堂喫茶師云棒打石人頭嘿嘿論實事

舉牛頭下安國玄挺禪師因僧問五祖云真性緣起其義云何祖默然時師侍次乃謂大德正興一念問時是真性中緣起其僧言下大悟妙喜云未興一念問時不可無緣起也時有僧云未興一念問時喚什麼作緣起妙喜云我也只要你恁麼道師云崑崙奴著鐵袴打一棒行一步

舉杭州徑山國一欽禪師因馬祖遣人送書

到書中作一圓相師發緘見遂於圓相中着一點却封回後忠國師聞乃云欽師猶被馬師惑雪竇云徑山被惑且置若將呈似國師別作箇什麼伎倆免被惑去有老宿云當時坐却便休亦有道但與畫破若與麼只是不識羞敢謂天下老師各具金剛眼睛廣作神通變化還免得麼雪竇見處也要諸人共知只這馬師當時畫出早自惑了也妙喜云馬師仲冬嚴寒國一孟夏漸熱雖然寒熱不同彼此不失時節忠國師因甚却道欽師猶被

馬師惑還委悉麼無風荷葉動決定有魚行師云圓相中着點墨日月無光天地黯黑初未惑欽師馬師先自惑累及老南陽也一場狼籍良久平生肝膽向人傾相識如同不相識

舉鳥窠禪師因侍者會通一日作辭師乃問汝今何往通云某甲爲法出家和尚不垂慈誨今徃諸方學佛法去師云若是佛法吾此間亦有少許通云如何是和尚此間佛法師於身上拈起布毛吹之侍者因而有省大鴻秀云可惜這僧認他口頭聲色以當平生殊不知自己光明蓋天蓋地妙喜云鴻山與麼批判也未夢見鳥窠在師云會通於拈起布毛處便喝免致諸方檢點我恁麼道也是爲他間事長無明

舉無着和尚送供往臺山文殊相迎次問大德從何方而來着云南方文殊云南方佛法如何住持着云末法比丘少奉戒律文殊云多少衆着云或三百或五百着却問文殊此間如何住持文殊云凡聖同居龍蛇混雜着

云多少衆文殊云前三三後三三妙喜云當時若見只向他道和尚如是住持直是不易師云畢竟前三三後三三是多少有底道前三三後三三我不如你你自會得好

舉南泉示衆云江西馬祖說郎心郎佛王老師不恁麼不是心不是佛不是物恁麼還有過麼時趙州出禮拜了去有僧問趙州云上座禮拜了去意作麼生州云汝却問取和尚僧遂問泉這來諗上座意作麼生泉云他却領得老僧意旨妙喜云兩箇老漢雖然韓襄動指殊不知傍觀者哂師云南泉趙州總被這僧一狀領過

舉南泉一日問座主講得什麼經王云彌勒下生經泉云彌勒什麼時下生主云現在天官未來泉云天上無彌勒地下無彌勒洞山

价舉問雲居居云天上無彌勒地下無彌勒未審誰與安名洞山被問直得禪牀震動乃云吾在雲巖曾問老人直得火爐震動今日被子問直得通身汗流太陽玄云如今老僧舉起也有解問者致將一問來乃云地動也妙喜云禪牀動火爐動地動郎不無這三箇老漢要見南泉直待彌勒下生始得忽有箇漢出來道天上無彌勒地下無彌勒却教什麼人下生又作麼生對但向他道老僧罪過師云啼得血流無用處不如纖口過殘春

舉南泉因陸亘大夫云肇法師也甚奇怪解道天地同根萬物一體泉指庭前牡丹云大夫時人見此一株花如夢相似妙喜云若向理上看非但南泉謾他陸亘大夫一點不得亦未摸着他脚跟下一莖毛在若向事上看

非但陸亘大夫謾他南泉一默不得亦未夢見他汗臭氣在或有出來道大小徑山說理

說事只向他道但向理事上會取師云大眾還會麼你若向天地同根萬物一體上會落在肇法師圈檻裏若向理事上會又落在妙

喜葛藤中總無自由分只如南泉指牡丹向陸亘道大夫時人見此一株花如夢相似你畢竟如何會天寧不惜眉毛爲你諸人下箇註脚平蕪盡處是青山行人更在青山外

舉鵝湖問諸碩德行住坐卧畢竟以何爲道對云知者是湖云不可以智知不可以識識何謂知者是有對云無分別是湖云善能分別諸法相於第一義而不動安得無分別有對云四禪八定是湖云佛身無爲不墮諸數安得四禪八定是耶舉衆杜口妙喜云相罵

饒你接觜相唾饒你潑水師云僧投寺裡宿賊打不防家

舉百靈一日路次見龐居士乃問昔日南嶽得力句曾舉向人麼士云曾舉來靈云舉向甚人士以手自指云龐公靈云真是妙德空

生也贊之不及士却問靈得力句是誰得知靈便戴笠子而去士云善爲道路靈一去更不回首妙喜云這箇話端若不是龐公幾乎錯舉似人雖然如是百靈輸他龐老一着何故當時不得箇破笠頭遮却髑髏有甚面目見他龐公師云百靈戴笠便去得力句分明舉似來因甚麼妙喜老人道百靈有甚面目見他龐公也是扶強不扶弱有人與妙喜作主要問作麼生是得力句速道速道擬議不來勞脊便棒

舉龐居士問馬祖不昧本來人請師高着眼
祖直下觀士云一種沒絃琴唯師彈得妙祖
直上觀士乃作禮祖歸方丈士隨後入云弄
巧成拙妙喜云馬大師觀上觀下不無爭奈
昧却本來人居士雖禮拜也是渾崙吞箇棗
始三
馬師歸方丈士隨後乃云弄巧成拙救得一
半師云說甚麼救得一半三十年後換手椎
骨去在

佛日普照慧辯楚石禪師語錄卷第八

音釋

蒂	都計切音	拂	音弗
帝	爪當也	填	亭年切音
拘	厚也	嗚	呼骨切音
下室	怒也	律	芳戍切音
鴛	鴦也	龕	苦含切音
深黑也	贊	鷗	堪塔音
也	也	黯	么
也	也		